

丁卯舊譜序

譜者所以辨氏而彙族也凡天下林林蔥々群分而類聚者非譜無以辨其氏而彙其族也是以卉木之種羽毛之族亦皆有譜而況於人乎人之氏有萬不以譜則雖卞其張三而李四孔湯而劉堯哉人之族有萬不以譜則亦奚知源一而流萬枝分而根同哉雖然譜爲例不謹則易招附會之誚譜爲法不嚴則恐貽冒亂之累始欲追先而親遠者反乃忝爾所生所以敦宗而睦族者反致謂他人父矣芝種焚而系以竹孫則芝或幸有後而竹反失蒼麟族振而添以豚兒則豚與有榮而麟必如泯矣掌譜諸宗其可忽哉我辛在華爲隴西大姓與衛霍諸李并稱將種矣其歸東也八世文衡屢榮君伯爲勝國之華閥乃文乃武黼黻禎幹爲我朝之喬木而近世中微天或使之溘瀆時晦以遺我靈長之基耶蓋世傳之言辛嚴二侍郎以大唐天寶節出使鷄林之朝適丁中原路阻遂居寧越爲貫鄉云以是嚴之貫亦至今爲寧越矣意者寧越之辛間或分派移住於靈山而居寧者貫寧居靈者貫靈仍分爲兩貫耶不然則中世勳封何必巧移於嚴貫之郡哉且况刑部公四子仲爲靈山君則何并其伯貫靈叔爲寧越君則何并其季貫寧耶要之同源寧越而仍時居分爲兩

貫然則同祖合譜義固當然矣壬辰兵燹以來文獻虧缺雲仍散落未遑修譜者迄
今數百年矣然叅之史家訪之遺牒豈無可證可徵之道而丙申之譜主者是靈而
專欠沿沂故寧多不叅甲辰之譜又自靈出而議岐設局故竟多訛誤前後有執之
派率不肯叅是以名雖合譜而便非完譜愚等惟是之憂大擬更脩及其倡議都會
也靈辛不願寧辛齊願此寧靈所以携貳而分爲寧辛之派譜也嗟我以寧爲貫者
有或憚於失系而嫌於別錄有自漏譜者後雖欲叅錄歸屬無處必至於并失今傳
而遂亡其貫也已矣曷不惜哉曷不矜哉若稽寧越之辛爲二派有祖侍中而系之
府院君者有祖列卿而系之吏部判者邈矣繼序存以闕疑自是以後源而流者搜
各派之私牒撮舊譜之信籍而編爲原譜如非十分無疑者并附副編或別錄以眎
疑無質而嚴其統之義雖以爛簡舊紙缺字刊文先墨明白者猶且加措語而載譜
若其古無今有彼載此闕遺籍斑駁者其肯曰有後而系錄耶至若失傳而強系他
緒者誤傳而投附華族者或採其失而移送本派或撫其誤而懸註識別焉寧其致
憾於有祖而未繼者無或挾雜於非孫冒而繼者噫此書也儘一貫之專門而抑一
初之信籍後之繼今者若於此考徵焉則庶乎其無錯矣其他據同郡旁派之通章

稱寬而釐革者據本派袖納之世傳私牒而繼序者又或仍當派人之來訟其支派之失系而叅座糾正者此雖懸註識之而非敢曰百口無疑矣惟俟後來衡平君子之存拔焉

崇禎紀元後三丁卯 月 日後孫承議郎前禁府都事者寧叙

甲寅舊譜序

易曰類族禮曰收族類族收族此譜法之所由起而有譜然後必有敦睦之誼故帝典亦曰以親九族然而近世人情於其近則親之遠則踈之愈踈則至於忘之言念同根寧不慨然嗚呼我辛系出姒夏世居中華並列衛霍稱以將種及其歸東八代文衡十世科宦爲勝國之華閥三世十科一門八龍爲我 朝之清流于斯時也德行節標鬱然爲當世之山斗孝友敦睦藹然爲專門之模範不有先祖種德之厚則後世其何能如是昌大乎否泰循環固其理也則近作衰微安知不爲後日更昌也哉今此修譜寔出於僉宗敦睦之誼而事山力蚊若難卒成矣一二志同八路響應未基而告功凡我同譜者極盡孝友之心尤加敦睦之誼則繁延昌大之慶不遠而必復矣僉宗念之哉

聖上即位五年甲寅仲春 月 日後孫錫圭謹序

壬寅舊譜序

族而譜所以敦吾族也舉吾族各譜其譜蒼而總之寔爲吾族大同譜爾若族而不
在吾譜者自歸非族譜而不與吾族者便屬非譜是奚足哉吾辛在鷄林朝有侍郎
公自中國來居寧越柰生縣至今貫寧越者皆其裔同祖爲族收族爲譜昉自丁卯
作爲一門信籍約百年之間有甲寅所修乃或逕庭自是駸々然沉晦之懼愈久愈
深再昨春銀川族叔鼎集氏倡議重修屬成默經之賴遐邇響應譜克成編牒其爲
例一遵舊譜就考府院君之世文獻無徵於其所不知蓋闕如也是固謹嚴筆法垂
百世不可易但代數聯錄偶欠分別以致後屬蓄疑之端竊惟草創之事有或未備
今當續緝不敢不改上世貞懿公至府院君系九世而止更自侍中公爲一世以之
各派先世亦如之於是焉一部謹嚴底義徹上徹下恐亦可俟於百世至若徃牒有
謬據明證釐正之他系有冒屬當派讎校之要不失謹厚之意亦不外公共之論凡
我同譜者其能知我乎抑罪我乎噫一祖之孫雖其麗不億溯念厥初均是至親孰
可疏之哉孰可遠之哉况孤族如吾族者尤當世世用此心此心足以譜也

歲光武壬寅季冬上浣侍中公二十世孫弘文館侍讀成默序

甲子舊譜序

譜吾譜皆吾寧越辛氏也辛氏而必譜乎吾譜何也凡爲侍中公苗裔者寔吾族也既吾族則曷爲考信於吾譜蓋以寧越之世家始紀於侍中公而作也辛氏在羅麗世曾謂名族而文獻既缺昉自侍中公有系而其先不可考故嗣茲後昆以侍中公爲上祖奕世金石之文旣如是且湖公自爲先考家狀亦然則此當百世以俟而不惑也蓋嘗溯考則東史有辛侍郎與嚴侍郎以唐天寶節來鷄林朝路阻不得歸遂居寧越而名不傳至于今寧越郡底有辛侍郎遺墟嚴侍郎遺墟爲古老之相傳者千有餘年且寧越邑舊誌有密直公孝子公觀察公爲侍中公之子之孫而循序具載於其策凡邑誌爲例苟有名碩生於是邦顯於當世則書以記之者古也據此則寧越吾辛得姓之地昭昭乎無疑而侍郎公實爲得姓之祖其遺裔世居其地者又可證也但著代之傳闕晦諸文竊有所憾焉者深矣嚮見新羅國旌善君全愷之墓碣文則其配曰柰城辛氏柰城君玆之女就考其時柰城君稍後於侍郎公而柰城君寧越古號也緬惟柰城君之世旣因侍郎公之肇基而寧越之爲貫固已有之

矣今或以爲寧貫自府院君始者誠古矣夫不亦謬乎府院君乃高麗忠肅朝人其先世勳封舉多靈山郡而獨府院君受封寧越固未知其奚由也然旣見於舊譜則溯及貞懿公凡九世別錄首揭以存疑無質之義未爲不可矣然則特爲今譜者推本於載籍之足徵以屬夫繼序之明文其亦前世未遑之事耳故以百承之不敏亦嘗有志於斯亟就稼軒承宣丈而承教遂及倡議於京城也遐邇響應賴諸宗之力不期年而譜克成編又可見尊祖敦族之至意均是秉彝也嗚呼我譜旣同且我有言譜有前述非不盡美今又屬輯雖若疊床若前述則同姓之通籍而屬輯則一族之家史也通籍猶可違家史不可闕如欲詳吾所自出也必於是徵焉如欲致吾所相厚也必於是講焉則庶乎得之而其義則後必有知之者矣

歲甲子亥月下浣侍中公二十三世孫百承序

丁酉新譜序

國之史家之譜其規一也而史是一國之公譜爲一家之私然史而厥文譜而不修歷代世系無所於考譜史之於家國豈不重且大歟故凡氏之有族者固不可以無譜而大同之後必有小修三十年間當有一修之舉者正欲明系辨族使向之厥者

入之路者詳之庸埃一紀合宗之日則騷梅淮枳庶乎其兩無憾焉竊惟我辛系出隴西歸于海東遠矣大唐天寶年間辛嚴兩侍郎公奉使來新羅因留不歸其居寧越爲兩姓之始而侍郎公以下久爲杞宋之文獻故貞懿公以上未免世系之間斷典教公四子叔季二公仍貫寧越伯仲二公分貫靈山前後合譜非止一再然有或議岐而罷之有或錯誤而不信不能無後承無涯之憾而惟我寧譜則純宗丁卯始有大同之修繼而有甲寅壬寅甲子之修繼述而暨于今日歲月既久生齒日盛若不統之以譜將無以辨其昭穆考其源委矣是役也烏可已歟茲者門議僉同謀所以續成一部修既往之未遑俟將來於無窮則其意固善矣美矣然今日所修謂之全譜則有或先修而不與者有或路阻而不參焉謂之派譜則吏部公派幸與同編即謂之吾辛之大同也第念新潮滔天舊學掃地保修先系莫此爲急遠近分合有不暇論而惟幸於吾譜之速修則其全譜派譜凡例彙貫雖庸俟異日可也若夫科宦世德之清白相傳名碩文章之顯蹟懿範考諸往牒前述已備不必贅吾喙惟願同譜諸公必勿以今日之修爲苟簡之編而互相勉旃聿修厥德無忝所生則不徒曰吾門之幸反不爲風教之一助也否至若工費區劃校讎周綜有幹事諸君

在固當責成而顧不佞今老且倦矣不敢贊
辭於讎牒之修而叅於讎讎役故要以
是謚之僉君子而略記其顛末云

歲丁酉菊月 博士公十一世孫在卿謹序

辛氏世系序

夫氏族譜猶國之有史而與枝有根流有源相似則其支流餘裔木之法祖金枝玉葉振振青春和氣與物同消長與天地盈虧者各氏所以生化也而夫靈寧之族雖殘子於氏族原其上古則江南之大姓也而我國之貴族也及其中絕所謂子孫踈遠不知何祖之所以生亦不知何代之盛艾何國之所以自故司馬氏法春秋之筆正綱倫於來世而立其字號程明道倣史漢而正倫序於後裔而昭茲祖裔逮其內外孫與九族之分各其詳來歷後代孫裔緡閱譜牒孝悌之心可以油然而生矣然而此辛氏本非我國之土姓而中國之原姓則是乃帝王之靈苗也故考其史牒則高辛之裔分明實載耳長曰伊以高爲姓季曰鎮以辛爲姓兄弟二人死生一心爰居臺北少陽里而子孫仍居焉噫非文籍則此姓之本奚以知其實也詳其世代與官祿而列于左

歲甲辰元月朔 弘文館大提學藝文館大提學行左議政安東金士衡書

夫天地之間物々各有稟受事々各有定限或華而無實或實而無華或大而無名或少而有成則其間實而有華大而有成者亦有之而至若長久而有此備者事物

之最貴者也人於此間守其本者列姓之所稀而獨見於此辛氏也蓋自得姓以來上下數百世大則以中國之閩實而有華小則以東朝之祿華而有實此是華實大小之分可謂兼之而又使其子孫世守家風享福長久別有成名於凡他未成之外而事有定分亦可謂守姓明分之古家也至於我祖餘蔭猶艾不絕大而有華者小而而實者各其派間或有之而當今之世雖不爲大振亦可以徃々傳聲息於曠世者仕宦也文雅也而文雅之有實者罕見其人而徒見華而無實者矣丙寅春有一書生短褐穿衣訪余於九城之客軒與語一日果知文而有實誠亦非常余遂加歎異曰子真古人之事也世訛傳之蹟庶乎的然者微子之誠誰能繼之耶千古茫然之事一朝恍然有得設有間世失訛而發其歸趣可謂賢矣而亦可謂至矣至誠貫石天必感之而特使宗浩甫得聞家聲於金宗鉉廣覽其簡牒也嗚呼異哉非金相公好古之心則此家所系之牒奚以傳於宗鉉家耶非宗鉉稀今之誠各姓譜牒一不遺漏而傳光耀於世家哉家世如是傳之久而使我得接千載耳目如是之明則宗浩甫爲文雅之實出於天性之真誠孝之極而无憾者矣鷲嶺保姓之後有幾人而有功於先世者耶余則一見其人於此世而雖未形言於至誠樹功之萬一感

其幼志大成々器令終之意而略叙焉

歲丙寅四月上弦 丞政院左承旨行光州牧使順興安應壽書

譜以繼孝悌之名家苟有愛親與愛族終始一節者不得不修此譜爲先先府君慶
學氏本孝悌之人也一日訪余仍言辛氏世譜而余適遭殘疾不省深懇遽然相別
于今六七年允君宗浩甫跟後袖家乘一本示余々沉翫數回忽斂衽整坐而歎曰
寧越辛氏自貞懿公以後始麗祖世々簪纓之繼入我朝往々顯仕之籍已爲聞知
况復中祖世卿江南華族遷移我東而世代聲蹟一不漏傳如是之極明吾其昧矣
先府君昔訪時曾未照睹而至今駭然觸目余雖衰朽况在新春氣像也大抵孝出
於天而天以與之使辛老慶學氏有是子而得見所未見之迹於名門譜家爰及正
鎮之淺見而心眼俱開也於是正鎮益知慶學氏之性孝感宗浩甫之志有成而喜
爲之記

歲己巳元月哉生魄 幸州奇正鎮書

眉山蘇老泉作族譜序曰吾所與相親如塗人者其初兄弟也其初一人之身也一
人之身分而至於塗人吾譜之所以作也其意可謂深切且美矣夫生民之時厥父

厥母有子五六人而愛之如一其兄弟友之如一愛及遠族睦之如一睦者難於父
兄慈愛之道然而自古各姓人雖踈遠之族思其先則本是同根生愛如至親故睦
之所由生也今者有闔門和族之義而殫誠於族譜之法意乎虛有修譜之名反成
不睦之禍則吾固獲其辭矣深知譜法之實而睦在其中則吾何以排遣耶子之心
見之已久而終不我欺故將忝一說夫兩間惟人爲大者以其有五常也人而知有
五常則愛族之義自然感發也而愛黨之義莫顯乎譜牒之考矣祖子孫雖至千百
代之後觀此譜而可知某祖之孫按是牒而可見某派之分爲祖爲孫之行爲伯爲
叔之位爲嫡爲庶之分隨序正名母相違分此睦之實義也又况某氏任某氏娶某
年生某日卒某山窆昭且詳則譜之爲功大矣凡有人心然後不可以無譜譜以傳
家家以繼世一元之氣綿々不絕彌今古百子千孫都是一人之心余嘗有志於此
事而適因宗浩甫之固請槩叙譜義之萬一云

高宗即祚八年庚午三月旣望 弘文館大提學藝文大提學兼世子侍講院
行戶曹判書恩津宋近洙書

辛氏先世系

始祖諱鎮

唐虞司徒高辛氏

支子

八世

永九

盈川史

十五世

望一

一直副事

二十二世

振

二十九世

高乙

兩西使

三十六世

師聖

天文地理無不通曉

四十三世

修正

進西川伯

先世系

二世

良

司職

九世

智源

江西府事

十六世

曉元

尚書

二十三世

時仁

字義元侍郎

三十世

敏安

兵部

三十七世

義彥

領三事

四十四世

丈連

三世

元

十世

讓

西元伯諡良正公

十七世

達五

通蒙古語胸藏萬

二十四世

甲

周文王時副元帥

三十一世

自順

尚書

三十八世

景哲

字善道號自隱善於筆書北學周公

道而自寓己懷

四十五世

實

副事

四世

始眞

司職

十一世

乃如

玉堂大學

十八世

徐

能文章善於詩畫

二十五世

瑞

平西使

三十二世

俊

陝谷使

三十九世

康

隱德不仕自樂林泉之意

四十六世

烈

吏部郎

五世

君文

奉西府

十二世

規

西域通域使

十九世

長運

有學術獨行三年

二十六世

以眞

都郡郎

三十三世

道淵

以明經被薦教官

四十世

周

司職

四十七世

班

六府觀察使

六世

道仁

兩西府使

十三世

玉

字贊知商司徒

二十世

武

兵部

二十七世

乃新

領中

三十四世

大一

以文名聞于天下列于經筵

四十一世

魯望

四十八世

宣九

七世

一康

都事府

十四世

甫

司職

二十一世

五成

侍郎

二十八世

知

吏部郎

三十五世

九庸

太學亞長

四十二世

可願

六經太學

四十九世

有善

進嶺海都察使

寧越辛氏世譜卷之一

蘊

仲碩

見上一子

字失傳文科官匡躡大夫門下侍中○墓配失傳

二世 廉

字失傳文科官判密直事德望節行蓋一世恭愍元年壬辰以少府主簿錄燕邸隨從功臣賜田民十年辛丑以大護軍錄護從功臣十二年癸卯以洪州牧佐平紅巾亂賜翊贊功臣號二十三年甲寅以漢陽尹值倭入寇不能禦罷職詳見麗史及寧越邑誌○墓配失傳

三世 熹

字失傳麗朝文科官鳳山郡事臺長湍名士里○配失傳

子回

字失傳早世文章司馬官鳳山郡事臺長湍名士里○配失傳

子頤

字失傳文科官忠州牧使有遺愛碑墓長瑞配失傳

子益調

字失傳官司調署直長負才望早卒 配谷山康氏父政丞得龍○墓長湍板門橋東邊五里許甲卯龍甲坐村名陶卜谷或云持平谷分地川下沙川上或云名士谷甲龍墓前有短碣字磨而只有辛字

子永叔

字失傳○墓寧越南面八溪東園東庚坐配失傳○輿地誌及寧越邑誌云公麗季人居母憂三年啜粥終身不仕以孝旌閭

子永孫

字失傳 世宗己未文科官吏曹佐郎黃忠兩道觀察使 世祖幸俗離山時公以道伯隨駕有記蹟于福泉寺宰寧越又有遺愛碑 贈崇政左贊成與吉洽隱門人金淑滋友善詳見邑誌 配贈貞敬夫人陽城李氏父知事思儉祖節制使沃會祖侍中春

六世 爽

字失傳修議副尉早卒贈通訓司候寺正墓姪安東面乾輪榮坐○配贈淑夫人原州邊氏父縣監乙忠祖典書肅曾祖潘陽千戶安伯外祖文科全義李思齊墓同原上下墳

子以達

生員 按舊譜公誤系于列卿公派永叔下故代數太衍今據寧越邑誌孝子公即麗季人則為其子孫固當正釐還錄于此

子伯琚

字失傳官忠原縣監一云文科舍人 配延安金氏父縣監汙祖監司學知會祖密直事瀟外祖部令晉州柳悅 墓坡州亦田

子仲琚

字失傳 成化乙酉文

七世 尹衡

見下

子自順

見下

子允恭

見下

女張溫

見下

女柳洽

見下

女安副守統

見全上

子天乙

見下

跋

嗚呼此吾寧辛之世譜也虞書曰惇叙九族周禮曰辨別三族其所以惇叙也辨別也以前序昭穆合氏族爲親親之大也上乎百代之祖宗下乎千載之雲仍欲其合氏族序昭穆則捨是譜而奚以哉是以宋明河程眉蘇譜法之起良以此也我譜之修專自純祖乙丑 哲宗甲寅 高宗壬寅及往年甲子以至于今丁酉凡五度印刷而其間非無修牒之派撰乘之家然是不過一派一家之單牒私乘也實非百代同愛之誼則譜者普言之義果安在哉其前後來歷於先輩氏之弁跋文可審也不必更贅而其敦睦之戒繼述之箴纒々爲後來雲仍辟咄之詔則顧斯譜之役不可緩也譜以三十稔爲一紀一紀一譜可協世序也今距甲子於焉洽爲一世後生之幼而冠々而子々而孫者尙未入於譜系之末則均是同根之苗易至路人之視也豈不爲先輩敦睦之愧而後昆愈疎之懼哉矧茲世道漸降人文愈衰有家之先務莫若修譜之爲急故適於昨冬宗議符協鳩財而謀鈔牘單而叙編譜旣成派藏而宗陪使某宗某支誰昭誰穆開卷而瞭然則其於尊祖敦宗之道幸孰如之先爲吾宗起贊而暨此無狀之夙願亦遂矣但關北諸宗以路遠未得同編有或先修而不

叅自不無勢不得之漏遺然逆料後來詎無廣詢團合之日耶余不願僭越又敢有一言曰凡我同譜之人居住丘墓之或京或鄉遠近老幼之相面不相面必思所以敦睦敬愛雖世降俗薄利慾橫流渾然團厚不失其世守而後之視今繼述不負乎今之視昔繩武則便是萬身而一心千里而一室且將千世如一日庶無愧於同譜矣爲吾同宗盍相勉諸

檀君紀元四千二百九十年丁酉季冬

博士公十二代孫

在衍 謹跋